




Ri khou ɔo vha na muṭangano wa muṭa.

Hu na Baba, Makhadzi Pula, Khotsimunene Chavani, Eddie, Attie, nḡe na Makhulu.

Ndi nḡe muṭuku kha vhoṭhe.



Radio i dzula yo fungiwa ɗuvha na ɗuvha ha hashu. Ri thetshelesa mafhungo tshifhinga tshoɗhe.

Ɗamusu ro pfa uri zwikolo zwi khou ɗo vula vhege i ɗaho.



Zwiko zwo vha zwo valwa lwa miṅwedzi minzhi nga ṅwambo wa nyiledzo ya u tshimbila dzibadani.

Baba vha a thoma, "Vhahashu, ri fanela u dzhia tsheo malugana na uri vhana vha vhuyelele tshikoloni."



Makhadzi Pula vha khou vhilaela. “Musi zwikolo zwi tshi vula zwi amba uri vhathu vhanzhi vha ɔo kavhiwa.

Zwithu zwi nga vhifha,” vha tshi amba.



Attie uri, “Ndi khou ofha u kavhiwa nga hovhu vhulwadze.

Kha ri lindele vhege mbili ri vhone uri zwithu zwi khou tshimbila hani tshikoloni. Hu na u ḡaḡa hunzhi.”



Baba vha ri, “Ndi vhilaelela Makhulu.

Arali vhana vha kavhiwa nga vhulwadze nahone vha vhuya naho hayani, zwi nga vha kwama nga ndila i si yavhuḽi.”

Makhulu vha tenda nga ṽhoho.



Makhulu wanga ndi mualuwa. Vha na vhulwadze ha swigiri na ha mbilu.

Ndi khou ofha vhukuma. Ndi khou vhilaelela muṭa wa hashu.



Khotsimunene Chavani vha ri, “Ndi humbula uri vhana vha fanela u dzula hayani, sa tshitsireledzi. Kha ri ime ri vhone arali zwikolo zwo lugela u țanganedza vhana.”

Vhoțhe vha a tenda nga nnda ha Eddie.



“Ndi fanela u ya Tshikoloni tsha Murole wa n̄ṭha ṅwakani.
A thi ḍivhi uri ndi ḍo kona u angaredza mushumo woṭhe.
A thi takaleli u guda kha inthanethe,” hu amba Eddie.



A thi khou vhilaedziswa nga u salela murahu nga mushumo wa tshikolo.

Ndi vhilaedziswa nga u sumbedzana vhuthu. Ri ɔo farana hani zwino?

Ri fanela u farisana rothe u itela u sedzana nazwo.



—Dzimbudziso

1. Nwalani zwine haya maipfi a amba zwone: u kavhiwa, mualuwa, tshitsireledzi, vhuthu.
2. Talutshedzani zwine 'u vhilaela nga u sumbedzana vhuthu' zwa amba zwone.
3. Ni humbula uri muṭa wo dzhia tsheo ifhio?
Ndi ngani?



Heyi nganea yo thewa kha mivhigo ya RX Radio. RX Radio ndi tshītītshi tsha radio ya kha inthanethe, ya vhana na yo itelwaho vhana.

RX Radio i hasha i ngei Red Cross War Memorial Children's Hospital, Cape Town.

RX Radio i thusa vhana u amba zwiṭori nga ha mafhungo a ndeme ane a vha kwama.

[Dalelani RX Radio](#)